

AWE NOCHI FINAL CALYPSO Y ROADMARCH CONTEST

ORANJESTAD(AAN): A pesar cu entrada pa final di Calypso y Roadmarch Contest awe nochi den San Nicolas Sport Park ta caro, por spera toch un publico grandi, mirando e nivel di e roadmarch nan y calypsonan di e aña aki cu a clasifica.

Scuchando e cancionnan clasifica ayera na emisoranan por conclui cu e batalla pa titulo ta fuerte awe nochi.

Di hende muher por a nota cu mayoria tin **Winnie Rasmijn**, "**Lady J**" pa gana y bira reina di roadmarch, y di otro banda ta ser comenta cu **Mighty Talent**, **Claudius Philips** den calypso, lo tin competencia fuerte cu **Tatoo**, **Rusty**, **Cachete**, **Mighty HJippie**, **Galloway**, **Challenger** y **Killer** den Calypso. E competencia entre e cantantenan aki lo ta hopi cera

awe nochi sigur.

Den Roadmarch, e competencia ta entre **Mighty Talent**, **Tattoo**, **Rusty**, **Lady J**, **Galloway** y **Challenger**, mientras cu **Surpriser** tambe ta ser comenta.

E favoritismo pa tur dos titulo e aña aki atrobe ta riba **Mighty Talent**, pero toch cu e pensamiento di competencia cu e lo tin.

MENSAHENAN BUNITA DI CALYPSONAN

ORANJESTAD(AAN): E aña aki atrobe por a nota cu varios di e calypsonan cu a ser presenta den concurso tabata tin mensahenan masha bunita.

Por menciona di entre otro **Galloway "Fraud"**, tambe di **Mighty Killer "If everything goes the way it should"**, di **Rusty "1984"**, **King Surpriser** cu su "**Coastal**" entre otro.

Pero dos cu a impresiona tabata di **Lord Cachete** y di

Mighty Talent.

Di **Lord Cachete**, ta basa riba amistad y amigonan, mustando riba confianza y desconfianza cu por tin cu amigonan, y finalmente mustando cu e mihor amiga cu e tin ta su "**mama**" y su mihor amigo ta su "**cacho**".

Di **Mighty Talent** ta riba problemanan social di nos isla, pero referiendo na oportunidadnan di trabao etc. cu no ta ser duna na Arubianonan y cu Arubianonan no

ta ser aprecia ni reconoci riba nan propio isla.

E ta menciona situacion den sector hotelero y otro sectornan caminda stranheronan ta haya oportunidad riba Arubianonan, y si tin arubianonan na cierto trabaonan ta stranheronan nan ta busca pa manda riba arubianonan y cu ta net e arubianonan aki tin cu siña stranheronan e trabaonan.

Encuanto carnavales ta musta cu gobernantenan ta prefera di duna sosten financiero na jazz festival y Sabado Sensacional caminda stranheronan ta ser paga un dineral pero cu artistanan Arubiano no ta ricibi e sosten financiero ni carnavales no ta ricibi e sosten financiero necesario di gobierno.

Lo ta bon pa oyentenan y publico scucha e mensahenan awe nochi, y ripara cu den nan ta hopi verdad ta bin afo.



LORD CACHETE CU SU MIHORAMIGA.....SU QUERIDA MAMA